

Ասլանը վերջացրել էր նամակները. նա այժմ սկսել էր կնքել ծրարները: Ճրագի լոյսը խիստ աղօտ կերպով լուսաւորում էր նրա գուլնաթափ դեմքը: Նա հագած ուներ մի տեսակ գիշերային խալաթ, եւ սենեակում տիրող սոթի պատճառով կոճակները թողել էր արծակ: Շապկի կիսաբաց օձիքից երբեմն երեւում էր նրա մերկ կուրծքը: Այն լայն, զօրաւոր կուրծքի վրան նշմարում էի ես մի ընդարձակ սպի, որը, շատ հաւանական էր, ստացուել էր հրացան գործիքից: Ես մի առանձին ուշադրութեամբ նայում էի այն նշանի վրայ: Չգիտեմ, ինչո՞ւ վերքը, սպին միշտ իմ մէջ հետաքրքրութիւն էր զարթեցնում: Երեւի նրա համար, որ նա պարունակում էր իր մէջ մարդու կեանքի մի նշանաւոր արկածի յիշատակները: Գուցէ այդ էր պատճառը, երբ նա ծրարները կողպեց պահարանի մէջ, որ առաւօտեան յանձնէ թղթատարին, եւ երբ մտաւ իր համար պատրաստած անկողինը, ես մտածեցի գոհացնել իմ հետաքրքրութիւնը: Բայց Ասլանը տարօրինակ բնաւորութիւններից մէկն էր: Երբեմն նա այնքան քաղցր էր, որ կարծես թէ շրթունքներից մեղր էր կաթում, իսկ երբեմն այն աստիճան ժանտ էր, որ կը կարծէիր, թէ աչքերից, երեսից լեղի էր թափում: Այդ ընդհանրում լաւ էր չխօսել նրա հետ: Բայց ես համբերել չկարողացայ եւ համարձակոեցայ հարցնել, թէ այն ի՞նչ վերքի նշան է, որ երեւում է նրա կուրծքի վրայ:

– Ինչո՞ւ ես հարցնում, – մաղձոտ կերպով կտրեց իմ խօսքը:

– Այնպէս... ուզում եմ իմանալ...

– Դրանից ի՞նչ օգուտ քեզ:

Ես լուռ կացայ: Նա նկատեց, որ ես վշտացայ, անելի մեղմ կերպով ասաց ինձ.

– Ոչ ոք իրաւունք չունի ուրիշի գաղտնիքների մէջ մտնել: Եթէ դու հարցնէիր, թէ ինչպե՞ս է կազմուած իմ կուրծքը, ո՞ր կողմումն է գտնուում իմ սիրտը եւ ի՞նչ պաշտօն է կատարում, կամ որպե՞ս են դասաւորուած իմ թոքերը, ես բոլորը կը բացատրէի քեզ, որովհետեւ դրանից մի բան կը սովորէիր: Բայց գիտեսալ իմ կուրծքի վրայ մի ծվատած տեղի պատմութիւնը, դա, կարծեմ, մի առանձին օգուտ չի բերի քեզ:

Ես անելի վիրաւորոեցայ, ասելով.

– Դու միշտ համարել ես ինձ մի երեխայ, մի յիմար եւ տգետ երեխայ, որի հետ, բացի կատակներից, ուրիշ բան չէ կարելի խօսել:

– Ես կատակ չեմ անում: Բայց դու այնքան խելացի էլ չես, որքան կարծում ես...